

মোরশেদ খান কাঠমাল্ডু পৌছেছেন

সার্ক পররাষ্ট্রমন্ত্রীদের  
বৈঠক শুরু

কূটনৈতিক প্রতিবেদক : আসন্ন সার্ক শীর্ষ বৈঠকের কর্মসূচি ও কাঠমাল্ডু ঘোষণা চূড়ান্ত করতে সার্কভুক্ত দেশগুলোর পররাষ্ট্রমন্ত্রীগণ আজ বুধবার থেকে দুদিনব্যাপী বৈঠকে মিলিত হচ্ছেন। বৈঠকে যোগ দিতে বাংলাদেশের পররাষ্ট্রমন্ত্রী এম মোরশেদ খান গতকাল মঙ্গলবার কাঠমাল্ডু গেছেন। ইতিমধ্যে কর্মকর্তা পর্যায়ে সার্ক প্রোগ্রামিং কমিটির বৈঠক এবং পররাষ্ট্র সচিব পর্যায়ে সার্ক স্ট্যান্ডিং কমিটির বৈঠক অনুষ্ঠিত হয়েছে।

উল্লেখ্য, আগামী ৪ জানুয়ারি থেকে নেপালের রাজধানী কাঠমাল্ডুতে তিন দিনব্যাপী সার্ক শীর্ষ বৈঠক অনুষ্ঠিত হবে। এই শীর্ষ বৈঠকে বাংলাদেশের প্রধানমন্ত্রী খালেদা জিয়া, ভারতের প্রধানমন্ত্রী অটল বিহারি বাজপেয়ি, পাকিস্তানের প্রেসিডেন্ট জেনারেল পারভেজ মুশাররফসহ সার্কভুক্ত দেশগুলোর সরকার প্রধানগণ যোগ দেবেন। ইতিমধ্যে অনুষ্ঠিত সার্ক প্রোগ্রামিং কমিটি এবং সার্ক স্ট্যান্ডিং কমিটির বৈঠকে সার্কের কর্মসূচি ও কাঠমাল্ডু ঘোষণার খসড়া তৈরি করা

● এরপর পৃষ্ঠা ১ বঙ্গাব্দ

## সার্ক পররাষ্ট্রমন্ত্রীদের বৈঠক শুরু

● প্রথম পাতার পর হয়েছে। আজ সার্ক পররাষ্ট্রমন্ত্রীদের বৈঠকে খসড়া চূড়ান্ত করা হবে এবং শীর্ষ বৈঠকে কাঠমাল্ডু ঘোষণা গৃহীত হবে।

এদিকে সার্কভুক্ত দেশগুলোর দরিদ্রতা দূর করার লক্ষ্যে দক্ষিণ-এশিয়ার উন্নয়নের জন্য ২০ বছর মেয়াদি একটি উন্নয়ন পরিকল্পনা গ্রহণ করা হচ্ছে। এই উন্নয়নের জন্য এর আগে বিশেষজ্ঞ কমিটি এই পরিকল্পনা গ্রহণের সুপারিশ করেছিল। পররাষ্ট্র সচিব পর্যায়ের বৈঠকে দক্ষিণ এশীয় অগ্রাধিকার বাণিজ্য চুক্তি বাস্তবায়ন এবং দক্ষিণ এশিয়া মুক্ত বাণিজ্য এলাকা গড়ে তোলার ব্যাপারে আলোচনা হয়েছে।

এদিকে সার্ক পররাষ্ট্রমন্ত্রীদের বৈঠকে যোগ দেওয়ার পাশাপাশি কাঠমাল্ডুতে ভারতের পররাষ্ট্রমন্ত্রী যশোবন্ত সিং এবং পাকিস্তানের পররাষ্ট্রমন্ত্রী আবদুস সাত্তার দ্বিপক্ষীয় বৈঠক করবেন দুটি দেশের সীমান্তে সৈন্য মোতায়েন নিয়ে যে উদ্বেজনা বর্তমানে চলছে পররাষ্ট্রমন্ত্রী পর্যায়ে বৈঠকের পর তা কিছুটা প্রশমিত হতে পারে বলে কূটনীতিকরা মনে করছেন।

এদিকে, গতকাল সার্ক স্ট্যান্ডিং কমিটির বৈঠকে চলতি বছরের মধ্যেই সার্কভুক্ত দেশগুলোর মধ্যে মুক্ত বাণিজ্য এলাকা গড়ে তুলতে কাঠামো চুক্তি সম্পন্ন করার সিদ্ধান্ত নেওয়া হয়েছে।

বাসস জানায়, পররাষ্ট্রমন্ত্রী এম মোরশেদ খান গতকাল মঙ্গলবার কাঠমাল্ডুতে পাকিস্তানি পররাষ্ট্রমন্ত্রী আব্দুল সাত্তারের সঙ্গে বৈঠকে মিলিত হন। তারা সার্ক ও আফগানিস্তান ইস্যু নিয়ে কথা বলেন। দুই পররাষ্ট্রমন্ত্রী সার্ক শীর্ষ সম্মেলনের প্রত্যাশিতমূলক পররাষ্ট্রমন্ত্রীদের বৈঠকে অংশ নিচ্ছেন।